

Шымкент қаласының коммуналдық мүлкін мүліктік жалдауға (жалға алуға) беру кезінде жалдау ақысының мөлшерлемесін есептеу тәртібін бекіту туралы

Күшін жойған

Оңтүстік Қазақстан облысы Шымкент қаласы әкімдігінің 2014 жылғы 3 қыркүйектегі № 1760 қаулысы. Оңтүстік Қазақстан облысының Әділет департаментінде 2014 жылғы 8 қыркүйекте № 2799 болып тіркелді. Күші жойылды - Оңтүстік Қазақстан облысы Шымкент қаласының әкімдігінің 2015 жылғы 30 сәуірдегі № 627 қаулысымен

Ескерту. Күші жойылды - Оңтүстік Қазақстан облысы Шымкент қаласының әкімдігінің 30.04.2015 № 627 қаулысымен.

«Қазақстан Республикасындағы жергілікті мемлекеттік басқару және өзін-өзі басқару туралы» 2001 жылғы 23 қаңтардағы, «Мемлекеттік мүлік туралы» Қазақстан Республикасының 2011 жылғы 1 наурыздағы Зандарына және Қазақстан Республикасы Үкіметінің 2014 жылғы 13 ақпандағы № 88 қаулысымен бекітілген Мемлекеттік мүліктік мүліктік жалдауға (жалға алуға) беру қағидаларының 50-тармағына сәйкес, Шымкент қаласының әкімдігі **ҚАУЛЫ Е Т Е Д І :**

1. Шымкент қаласының коммуналдық мүлкін мүліктік жалдауға (жалға алуға) беру кезінде жалдау ақысының мөлшерлемесін есептеу тәртібі осы қаулының қосымшасына **сәйкес бекітілсін.**

2. «Шымкент қаласының экономика және қаржы бөлімі» мемлекеттік мекемесі (Р.Мулкеманов) Қазақстан Республикасының заңнамалық актілерінде **белгіленген тәртіпте:**

1) осы қаулыны Шымкент қаласының аумағында таратылатын мерзімді баспа басылымдарында және «Әділет» ақпараттық-құқықтық жүйесінде ресми **жариялануын;**

2) осы қаулыны Шымкент қаласы әкімдігінің интернет ресурсына орналастыруын **қамтамасыз етсін.**

3. Осы қаулының орындалуын бақылау Шымкент қаласы әкімінің орынбасары **Г.М.Құрманбековаға жүктелсін.**

4. Осы қаулы оның алғашқы ресми жарияланған күнінен кейін құнтізбелік он күн өткен соң қолданысқа енгізіледі.

Қала әкімі

Д.Сатыбалды

*F . Ы . И с м а и л о в
Н . Т . А р х а б а е в*

Г . М . Құрманбекова
Р . Ж . Мулкеманов
Б . К . Жанбосынов
Ж . Е . Агебаев
Б . М . Нарымбетов
А . Каїыпов

Т.Т.Мекамбаев

Шымкент қаласы әкімдігінің
2014 жылғы « 03 » қыркүйегіндегі № 1760
қаулысына қосымша

Шымкент қаласының коммуналдық мүлкін мүліктік жалдауға (жалға алуға) беру кезінде жалдау ақысының мөлшерлемесін есептеу тәртібі

1. Осы Шымкент қаласының коммуналдық мүлкін мүліктік жалдауға (жалға алуға) беру кезінде жалдау ақысының мөлшерлемесін есептеу тәртібі (бұдан әрі – Тәртіп) Қазақстан Республикасы Үкіметінің 2014 жылғы 13 ақпанды № 88 қаулысымен бекітілген «Мемлекеттік мүлікті мүліктік жалдауға (жалға алуға) беру қағидаларының» 50-тармағына сәйкес әзірленді және коммуналдық мүліктік жалдауға (жалға алуға) беру кезінде жалдау ақысының мөлшерлемесін есептеу тәртібін айқындауды.

2. Қалалық коммуналдық занды тұлғалардың балансында тұрган мемлекеттік тұрғын емес қордың объектілерін мүліктік жалдауға (жалға алуға) беру кезінде жылдық жалдау ақысын есептеу тұрғын емес үй-жайдың салыну үлгісі, түрі, қолайлылық дәрежесі, аумақтық орналасуы, жалдаушының қызмет түрі, жалдаушының ұйымдық-құқықтық нысаны ескерілетін коэффициенттердің қолданылатын базалық мөлшерлемесі мен мөлшерлері негізінде анықталып, мына формула бойынша жүзеге асырылады:

$$A_p = R_{bs} \times S \times K_t \times K_k \times K_{sc} \times K_r \times K_{vd} \times K_{opf},$$

мұнда:

Ap – жылына коммуналдық занды тұлғалардың балансында тұрган мемлекеттік тұрғын емес қордың объектілерін мүліктік жалдау ақысының мөлшерлемесі;

R_{bs} – 1 шаршы метрге жылына теңге жалдау ақысының базалық мөлшерлемесі;

S – жалға алынатын алан, шаршы метр;

K_t – құрылым типін ескеретін коэффициент;

K_k – тұрғын емес үй-жайдың түрін ескеретін коэффициент;

K_{sc} – қолайлылық дәрежесін ескеретін коэффициент;

Кр – аумақтық орналасуын ескеретін коэффициент;

Квд – жалдаушының қызмет түрін ескеретін коэффициент;

Копф – жалдаушының ұйымдастыру-құқықтық нысанын ескеретін коэффициент.

Қазақстан Республикасының «Республикалық бюджет туралы» Заңымен белгіленген тиісті жылға арналған 1,5 (бір жарым) айлық есептік көрсеткіші жалдау ақысының (Рбс) базалық мөлшерлемесі болып белгіленсін.

3. Жабдықтар мен автокөлік құралдарын мүліктік жалдауға (жалға алуға) беру кезінде жалдау ақысының есеп айрысуы мына формула бойынша жүзеге асырылады:

$$A_p = C \times N_a m / 100 \times K_p$$

мұнда:

A_p - жылына жабдықтар мен көлік құралдары үшін жалдау ақысының мөлшерлемесі;

C - бухгалтерлік есеп деректері бойынша жабдықтардың қалдық құны;

100 пайыз тозуы есептелген жабдықтар мен көлік құралдарын мүліктік жалдауға (жалға алуға) беру кезінде қалдық құны бастапқы (қалпына келтіру) құнынан 10 пайыз мөлшерінде қабылданады;

Nam - Қазақстан Республикасының 2008 жылғы 10 желтоқсандағы «Салық және бюджетке төленетін басқа да міндettі төлемдер туралы» Кодексінің (Салық кодексі) 120-бабына сәйкес амортизацияның шекті нормалары;

Kp - төмендету коэффициенті (жабдықтар мен көлік құралдары алпыс пайыздан аса тозу кезінде қолданылады - 0,8 мөлшерінде, сауда-сатып алу (делдалдық) қызметті қоспағанда, өндірістік қызметті ұйымдастыру халыққа қызмет көрсету саласын дамыту үшін шағын кәсіпкерлік субъектілеріне беру кезінде - 0,5 мөлшерінде).

4. Мемлекеттік заңды тұлғаларға мемлекеттік тұрғын емес қордың объектілерін, жабдықтар мен көлік құралдарын беру кезінде жалдау ақысының сомасы 0 (нөл) теңге көлемін құрайды.

5. Коммуналдық заңды тұлғалардың балансында тұрган мемлекеттік тұрғын емес қордың объектілерін мүліктік жалдауға (жалға алуға) беру кезінде жалдау ақысын күніне төлеу мөлшерлемесі жылдық жалдау ақысының бағасынан есептелінеді және мүліктік жалдау бойынша ай сайынғы төлем мөлшерлемесін айлық жұмыс күндерінің санына математикалық бөлу жолымен анықталады:

$$A_{pld} = K / R_d / 2,$$

мұнда:

A_{pld} – жалдау ақысының жарты күндік мөлшерлемесі;

K - жалдау ақысының ай сайынғы мөлшерлемесі (K=A_p/12);

R_d - 1 айдағы жұмыс күндерінің саны;

А п . д . = К / Р д ,
мұнда :

Ап. плд. – жалдау ақысының 1 күндік мөлшерлемесі;

К - жалдау ақысының ай сайынғы мөлшерлемесі (К=Ап/12);

Рд - 1 айдағы жұмыс күндерінің саны;

4 (төрт) сағатқа дейін қоса алғанда мүліктік жалдауға (жалға алуға) беру кезінде Ап.плд., ал күніне 4 (төрт) сағаттан жоғары мерзімге беру жағдайында Ап.д. қолданылады, бірақ күніне 8 (сегіз) сағаттан артық емес.

Мемлекеттік тұргын емес қордың объектілерін мүліктік жалдауға (жалға алуға) беру кезінде бір күнге жалдау ақысының мөлшерлемесі теңгерім ұстаушымен келісілген ниет білдірушінің ұсынған жұмыс кестесіне сәйкес толық емес күнге (спорттық, акт және көрме залдары, оқу аудиториялары) берілген кезде қолданылады. Осы есеп мәдени ойын-сауық іс-шараларына таралмайды.

6. Шымкент қаласының коммуналдық мүлік объектілері үшін жалдау ақысының мөлшерлемесін есептеу кезінде қолданылатын коэффициенттер:

№	Коэффициенттер түрі	Коэффициент мөлшері
	Құрылыш типін ескеретін коэффициент (Кт):	
1	1.1 кеңселік	1
	1.2 өндірістік	0,8
	1.3 жалпы орта білім беру ұйымдарындағы асханалық буфеттік және т.б.	0,7
	1.4 спорттық ғимараттар (стадиондар, спорттық залдар)	0,7
	1.5 койма, гараж, қазандық	0,6
	Тұргын емес үй-жайдың түрін ескеретін коэффициент (Кк)	
2	2.1 жеке тұрган құрылыш	1
	2.2 жапсарлас-жанаса салынған бөлігі	0,9
	2.3 астынғы (жартылай жертөле) бөлігі	0,7
	2.4 жертөле бөлігі	0,6
3	Қолайлыштық дәрежесін ескеретін коэффициент (Ккк)	
	3.1 барлық инженерлік-техникалық құрылғылары бар үй-жайлар үшін (электр энергиясы, көріз, сумен қамтамасыздандыру, жылу) коммуникациялардың қандай да бір түрлері жоқ болса, әрбір түрге 0,1-ге азаяды	1,0
	Аумақтық орналасуын ескеретін коэффициент (Кр):	
4	4.1 Шымкент қаласы үшін	
	1-аймак	3
	2- аймақ	2,4
	3-аймақ	1,8
	Жалдаушының қызмет түрін ескеретін коэффициент (Квд):	
	5.1 халықта қызмет көрсетуге арналған банктердің, «Қазпошта» АҚ-ның есеп айырысу-кассалық орталықтары, банкоматтар, терминалдар үшін (қол жетімділігі	

	шектеулі коммуналдық заңды тұлғалардың ғимараттарында 0,5-ке төмендету коэффициенті Шымкент қаласы	2,5
	5.2 брокерлік қызметті жүзеге асыру және кеден қызметтерін көрсету, айырбастау пункттері және қызметі бағалы қағаздар нарығымен байланысты ұйымдар, сактандыру, инвестициялық компаниялар, нотариалдық кеңселер, адвокаттық кеңселер үшін	3,0
5	5.3. сауда, қонақ үй қызметтерін ұйымдастыру үшін кылмыстық-атқарушылық жүйенің ғимараттарында және оку орындарының жатақханаларында сауда қызметтерін ұйымдастыру үшін	2,5 1,9
	5.4 қоғамдық тамактануды ұйымдастыру үшін	1,5
	5.5 мынадай салаларда қызметтерді ұйымдастыру үшін: ғылыми және жорғары білім беру оптимизациялық жағдайда білім беру мектепке дейінгі білім беру	1,1 0,9 0,8
	5.6 денсаулық сақтау, мәдениет және спорт салаларында қызметтерді ұйымдастыру үшін	1,0
	5.7 өткізу жүйесі бар (кол жетімділігі шектеулі) коммуналдық заңды тұлғалардың ғимараттарында қызметкерлердің тамактануын ұйымдастыру, тұрмыстық қызметтерді көрсету, сондай-ақ оку орындарындағы және оку орындарындағы жатақханаларындағы асхана мен буфеттер үшін	0,5
	5.8. 5.1-5.7-тармактарда көрсетілген қызмет түрлерін қоспағанда, қызмет түрлері үшін	1,9
6	Жалдаушының ұйымдастыру-құқықтық нысанын ескеретін коэффициент (Копф):	
	6.1 сауда-сатып алу (делдалдық) қызметті қоспағанда, өнеркәсіп өндірісін ұйымдастыру және халыққа қызмет көрсету саласын дамыту үшін шағын кәсіпкерлік субъектілері үшін	0,9
	6.2 акцияларының (қатысу үлестерінің) елу және одан да көп пайыздары немесе акцияларының бақылау пакеттері мемлекетке тиесілі және табысының кемінде 90 пайзын бюджеттік бағдарламаларды орындаудан алатын акционерлік қоғамдар (жауапкершілігі шектеулі серіктестіктер) үшін	0,8
	6.3 қайырымдылық және қоғамдық бірлестіктер, коммерциялық емес ұйымдар үшін	0,5
	6.4 қалғандары үшін	1,0

Е ск е р т у :

1-аймақ - Т. Рысқұлов және А.Байтұрсынов көшелерінің қылышынан бастап
Рысқұлов көшесімен Сайрам көшесіне дейін; Сайрам көшесінен бастап Ақназар
хан көшесіне дейін; Ақназар хан көшесінен бастап Анарова және Төлеби
көшелерінің қылышына дейін; Анарова және Төлеби көшелерінің қылышынан
Жансүгіров көшесіне дейін; Жансүгіров, Текстиль, Володарский, Рашидов,
Громов, Халметов көшелерінің бойымен Халметов және Алпысбаев көшелерінің
қылышына дейін; Халметов және Алпысбаев көшелерінің қылышынан
Алпысбаев көшесімен Темірлан тас жолына дейін; содан кейін Бәйдібек би
көшесінің бойымен тұзу Т.Рысқұлов және А.Байтұрсынов көшелерінің
қылышына дейінгі көшелер шекараларының аумағы.

«Нұрсәт» мөлтек ауданының, 1-Әкімшілік-іскерлік орталығының және «
Шымкент мемлекеттік дендрологиялық саябағы» мемлекеттік коммуналдық

қазыналық көсіпорнының аумақтары.

2-аймақ - «Самал», «Самал-2», «Наурыз», «Айқап», «Түркістан», «Сайрам», «Теріскей», «Шапағат» және «Күншығыс» мөлтек аудандарының аумақтары.

3-аймақ - 1 және 2-аймақтардың сыртқы шекарасынан бастап Шымкент қаласының солтүстік, шығыс, оңтүстік және батыс аумақтарын толық қамтиды.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК